

UGOVOR

o pružanju usluga servisiranja i održavanja klima uređaja

99

USTAVNI SUD BOSNE I HERCEGOVINE			
Datum prijema:		- 8 -08- 2023	
Vrsta upis.	Broj	Primeraka	Priloga
su-2	581-2/23	2	1

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Sarajevo, Reisa Džemaludina Čauševića 6/III, kojeg zastupa generalni sekretar Ustavnog suda Bosne i Hercegovine, Nataša Vuković (u daljem tekstu: **Naručilac**),

i

SES d.o.o. Sarajevo, Bačići br. 11, Sarajevo, koga zastupa direktor, Ibrahim Dedović (u daljem tekstu: **Izvršilac**).

Član 1.

Predmet ovog Ugovora je pružanje usluga čišćenja, redovnog servisiranja i održavanja klima uređaja za potrebe Naručioca, u skladu sa Ponudom Izvršioca broj 104-S-1/23 od 14. jula 2023. godine, koja je sastavni dio ovog Ugovora.

Član 2.

Ugovorene jedinične cijene usluga iz člana 1. ovog ugovora definisane prihvaćenom ponudom Izvršioca broj 104-S-1/23 od 14. jula 2023. godine i iznose bez uračunatog PDV-a:

1.	Održavanje klima uređaja obuhvata: a) pregled, čišćenje i servis unutrašnje i vanjske jedinice i pripadajućih instalacija, b) pregled i servis pripadajuće automatike uređaja te podešavanje režima rada u skladu sa zahtjevima, d) ispitivanje svih funkcija probnim radom kao i otklanjanje nedostataka i kvarova.	80,00 KM po uređaju
2.	Cijena dopune freona	2,00 KM po uređaju
3.	Montaža i puštanje u rad novog klima uređaja i demontaža starog	175,00 KM po uređaju

Usluge će se vršiti po potrebama i po pozivu Naručioca. Troškove dolaska na mjesto izvršenja usluga, troškove dopreme dijelova i sl. snosi Izvršilac.

Član 3.

Izvršilac se obavezuje da će kvalitetno i profesionalno pružiti usluge iz člana 1. ovog Ugovora.

U slučaju identifikacije kvara i utvrđenog rezervnog dijela koji treba zamijeniti, Izvršilac je dužan dostaviti cijenu rezervnog dijela (predračun) najkasnije u roku 24 sata od kada se utvrdi kvar. Naručilac zadržava pravo provjere cijene rezervnog dijela na tržištu (putem ispitivanja tržišta, interneta, ...) i prigovora na istu. Ukoliko je cijena rezervnog dijela realna tržišna cijena, Ustavni sud BiH će prihvatiti ponudu, a ako je znatno viša od realne tržišne cijene, Ustavni sud BiH zadržava pravo da sam nabavi rezervni dio koji je Izvršilac dužan ugraditi u skladu sa uslovima navedenim u Ponudi.

Član 4.

Naručilac se obavezuje da Izvršiocu omogući nesmetan pristup prostorijama sa klima uređajima kao i prostoru gdje su smještene vanjske jedinice klima uređaja, te da ga uvede u posao.

Član 5.

Garancija za usluge izvršene po ovom Ugovoru je minimalno 6 mjeseci po obavljenom poslu.

Rok za odziv na poziv po Ugovoru je minimalno 24 sati od usmenog ili pismenog poziva.

Rokovi iz st. 1. i 2. ovog člana mogu se prolongirati isključivo u slučaju nastanka okolnosti na koje Izvršilac objektivno nije mogao uticati.

Član 6.

Za izvršene usluge u okviru ovog ugovora Izvršilac će ispostavljati odgovarajući račun za svaki izvršeni posao, ili zbirni račun za više izvršenih poslova, a nakon što je ovjeren od strane ovlaštenih lica Naručioca da je usluga obavljena.

Sve poreske obaveze moraju biti uključene i posebno iskazane u sklopu ispostavljenog računa.

Član 7.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 30 dana po izvršenju usluga bez primjedbi i prijema fakture, fakturu proslijediti na plaćanje Ministarstvu finansija i trezora BiH.

Izvršilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 8.

Izvršilac garantuje da će sve radove i usluge utvrđene ovim ugovorom obavljati stručno, savjesno i kvalitetno.

Član 9.

Ugovor se zaključuje na period od jedne (1) godine, a počinje sa primjenom 9. avgusta 2023. godine.

Ugovorne strane mogu ugovor jednostrano raskinuti, uz otkazni rok od 15 dana.

Na odnose između ugovornih strana koji nisu uređeni ovim Ugovorom primjenjuju se odredbe Zakona o obligacionim odnosima u Bosni i Hercegovini.

Član 10.

Ugovorne strane su saglasne da će eventualne sporove koji nastanu iz ovog ugovora rješavati sporazumno, a ukoliko se saglasnost ne postigne nadležan je Sud Bosne i Hercegovine u Sarajevu.

Član 11.

Ovaj ugovor stupa na snagu danom potpisivanja od obje ugovorne strane.

Ugovor je sačinjen u četiri (4) istovjetna primjeraka, od kojih svaka ugovorna strana zadržava po dva (2) primjerka

ZA IZVRŠIOCA
Direktor



Ibrahim Dedović



Broj: 200-UG-49/23

05.08.2023

ZA NARUČIOCA
Generalni sekretar Ustavnog suda BiH

Nataša Vuković



Broj: SU-08-581-2/23

Sarajevo, 2. avgusta 2023. godine

